



VISCHNAUNCA DA SCHLUEIN

Lescha davart il dretg da burgheis

Approbada entras la radunonza communal dils 16 da fevrer 2018

Entrada en vigur: 01-01-2018

Cuntegn lescha davart il dretg da burgheis

			Pagina
art.	1	Object dalla lescha	3
	2	Premissa da domicil	3
	3	Cumpetenzas	3
	4	Taxas	3
	5	Cass specials	4
	6	Protecziun legala	4
	7	Entrada en vigur	4

LESCHA DAVART IL DRETG DA BURGHEIS

Sin fundament digl art. 3 dalla constituziun communal da Schluein e dalla lescha davart il dretg da burgheis dil cantun Grischun (DG 130.100), relai la vischnaunca da Schluein la suandonta lescha:

art. 1

Object dalla lescha Questa lescha regla la procedura da naturalisaziun tenor la lescha cantunala davart il dretg da burgheis.

art. 2

Premessa da domicil Il dretg da burgheis communal sa vegnir concedius ni empermess a persunas cun domicil a Schluein che han en tut habitau cheu duront silmeins 5 onns. Directamein avon che la damonda da naturalisaziun vegn inoltrada sto la persuna haver habitau duront dus onns senza interrupziun a Schluein.

art. 3

Cumpetenzas

¹ La suprastonza communal examinescha las damondas da naturalisaziun. Ella envida las persunas petentas ad in discuors da qualificaziun, cul qual ella examinescha oravontut l'integraziun e las enconuschientschas tenor artechel 5 dall'ordinaziun davart la lescha da burgheis dil cantun Grischun. La suprastonza communal sa decider davart excepziuns.

² La suprastonza communal ha la cumpetenzza d'exequir la lescha, da scriver giu cass e da relaschar decisiuns da buc entrar en caussa. Ella communichescha en scret davart la decisiun davart la damonda da naturalisaziun.

³ La suprastonza communal communichescha enteifer tschun onns dapi la naturalisaziun al cantun sch'il petent ni la petenta ha obteniu quella perquei ch'el ni ella ha fatg indicaziuns fallidas ni zuppentau fatgs relevants.

art. 4

Taxas

¹ Per decisiuns dalla procedura da naturalisaziun vegnan taxas che cuvieran ils cuosts incassadas. La suprastonza communal relai ina regulaziun corrispundenta.

² Ella sa fixar differentas pauschalas per cass per Svizzers / Svizras e per jasters / jastras. Per las naturalisaziuns sa ella fixar pauschalas pli bassas. Las pauschalas ston vegnir adattadas periodicamein als cuosts effectivs.

³ Ella sa reducir ni relaschar las taxas per affons minorens che vegnan buca naturalisai ensemen cun lur geniturs, per persunas en scolaziun sco era en cass d'acziuns.

⁴ Per tractar las damondas da naturalisaziun sa la suprastonza communal pretendere in pagament anticipau dils cuosts pigl import dalla mesa pauschala per cass.

art. 5

Cass specials

En cass motivai sa la radunonza communal conceder il dretg da burgheis d'honor ni regalar il dretg da burgheis.

art. 6

Protecziun legala

Decisiuns negativas ston vegnir motivadas e cumplettadas cun in'indicaziun dils mieds legals.

art. 7

Entrada en vigur

La presenta lescha ei vegnida approvada dalla radunonza communal dils 16 da fevrer 2018 ed entra en vigur retroactiv igl 1. da schaner 2018 e remplazza la lescha davart il dretg da burgheis dils 10 da november 2006.

Il president communal:

Il scarvon communal:

Bruno Wellinger

Marco Tschuor